

Канон святому благоверному царевичу Димитрию Угличскому

Память празднуем 15 (28) мая

Тропарь, глас 4-й

Царскую диадиму обагрил еси кровию твоєю, Богомудре мучениче, за скиптр Крест в руку приим, явился еси победоносец и жертву непорочну Владыце принесл еси себе: яко бо агнец незлобив, от раба заколен еси. И ныне, радуясь, предстоиши Святей Троице, молися о державе сродников твоих богоугодней быти и сыновом российским спастися.

Ин Тропарь, глас 2-й

Яко благочестиваго корене Боголюбивый произыде плод, яко агня незлобиво, неповинно во младенстве заклан бысть от властолюбца вкупе и злаго раба. Тем, яко златыми крылы, душевною чистотою и младенческим незлобием к Небесней высоте возлетел еси, страстотерпче Димитрие. И ныне кровь твоя от земли тайно вопиет к Богу, яко Авеля праведнаго. Сего ради поклоняемся верою ти, славяще прославльшаго тя Бога, Егоже моли стране нашей богоугодней быти и сыновом русским спастися.

Ин Тропарь, глас 1-й

Всеоружеством Духа благодати вооружен быв и неборим столп и утверждение отечеству своему показася, яко агнец незлобивый, от врага неправедно заклан быв и в жертву непорочну Господеви принесеса. И ныне дар благодати от всех Подвигоположника прием, источаеши всем исцеление, достохвальне благоверный царевичу княже Димитрие. Слава Восприимшему ты от земных в Небесная, слава Венчавшему ты венцем неувыдаемым, слава Действующему тобою всем исцеление.

КАНОН, глас 2-й

Песнь 1

Ирмос: Во глубине постла иногда фараонитское всевоинство преоруженная сила, воплощенное же Слово всезлобный грех потребило есть: препрославленный Господь славно бо прославися.

Припев: Святей благоверный княже-мучениче Димитрие, моли Бога о нас.

Мученика Твоего, Христе, Димитрия, пети мне желающему, молитвами его, яко Благ, осияние Пресвятаго Духа даруй, да воспую светло Твоего угодника торжество.

Святей благоверный княже-мучениче Димитрие, моли Бога о нас.

Умертвившему крепость смерти подобяся, мучениче Димитрие, от раба заколение претерпел еси и, преславно в Небесныя обители вселився, трудов воздаяние приял еси, прехвально.

Слава: Честная твоя память, мучениче, освящаючи мир, приспе. Радуется же

днесь преслávный град Москвá, твоегó благáго получív заступлénия, и, благодарá, Спасу вопиét: препрослávленный Господь, я́ко прослávися.

И ныне: О Тебé ныне прорóчество соверши́ся, Богороди́тельнице Влады́чице Чистая, Егóже бо провозвести́ша высокогласно вси прорóцы, Тогó, Невместимаго, преслávно во чре́ве вмести́ла еси́, во двою естеству́ соверше́нна Бóга же и Челове́ка.

Песнь 3

Ирмос: Процветé есть пусты́ня, я́ко крин, Гóсподи, язы́ческая неплодя́щая, Цérковь Прише́ствием Твои́м, в не́йже утверди́ся моé сэр́дце.

Святы́й благове́рный кня́же-мучени́че Димитрие, моли́ Бóга о нас.

Егда́ оста́вь земна́го ми́ра те́мность, страда́льчески же обагрéно крóвию тéло твоé скрыв на Углече, ду́шу в Небéсныя Оби́тели, Димитрие, всели́л еси́, прехва́льне.

Святы́й благове́рный кня́же-мучени́че Димитрие, моли́ Бóга о нас.

Но́щи и тьмы сы́нове нареко́шася убийцы́ беззакóннии: я́ко а́гнца бо ты непорóчна, ноже́м сбодо́ша, ходатаи́ твоему́ венцу́ Божéственному, Димитрие, бывше.

Слава: Исцелéния струи́ источа́еши ко грóбу твоему́, мучени́че Димитрие, véрою притека́ющим, благодарно́ же ра́дование пода́еши пою́щим: несть свят, я́ко же Бог наш.

И ныне: Мари́е, злата́я кади́льнице, страстéй мои́х отжени́ смрад и утверди́ мя, коле́блема прираже́ньми лука́ваго ратобóрца.

Господи, помилуй (трижды).

Седален, глас 4-й

Настá, празднóлюбцы, свéтлое торжество́, па́мять сла́вная страстоно́сца Христо́ва, веселя́щи вся́ческая, сия́ющи в ми́ре заря́ми чудéс. Те́мже непреста́нную благода́ть твои́ми моли́твами у Христа́ испроси́, мучени́че Димитрие, душáм нашим и véлию мило́сть.

Слава: Я́ко от младе́нства лишén еси́ земна́го ца́рства, благородне Димитрие, и в тогó мéсто в Небéсное пресели́вся, та́мо сподóбился еси́ Небéсная благáя видети, и ны́не я́сно зри́ши Святу́ю Трои́цу и мо́лишися о держáве твои́х сродни́ков и за вся véрныя лю́ди, во éже бы им получи́ти вся благáя и полéзная.

И ныне: Дéво Всенепорóчная, я́же пресу́щнаго Бóга рóждшая, с мучени́ком Тогó непреста́нно моли́ оставлénие прегрешéний и исправлénие жития́ да́ти нам пре́жде конца́, véрою и любóвию пою́щим Тя по до́лгу, Еди́на Всепéгая.

Песнь 4

Ирмос: Прише́л еси́ от Дéвы не ходатай, ни Ангел, но Сам, Гóсподи, вопло́щся, и спасл еси́ всегó мя, челове́ка. Тем зову́ Ти: сла́ва си́ле Твое́й, Гóсподи.

Святы́й благове́рный кня́же-мучени́че Димитрие, моли́ Бóга о нас.

Крóвию страда́ния тлénнаго смра́да избежа́в, Богому́дре, вмéсто земна́го Небéснаго Ца́рствия наслéдник был еси́, страсотéрпче, тем вси, чту́ще, ты ублажа́ем.

Святы́й благове́рный кня́же-мучени́че Димитрие, моли́ Бóга о нас.

Ангельскаго селéния во двóрех пребыва́еши и в Росси́йстей земли́ благода́ть источа́еши к ра́це мощéй твои́х любóвию припада́ющим, страда́льче, и вопию́щим: сла́ва си́ле Твое́й, Гóсподи.

Слава: Двéри Небéсныя свéтло отверзо́шася, приéмше ты, мучени́че, и Цérковь ты

ныне имееет, ликовству́ючи со избра́нными, пою́щи Бо́гу: си́ле Твое́й сла́ва, Человеколю́бче.

И ныне: Свяще́ннии провозвести́ша дре́вле гла́си чревоноше́ния Твоего́ глубинú, ихже собы́тие ви́дяще, Чи́стая, поём: си́ле Твое́й сла́ва, Влады́чице.

Песнь 5

Ирмос: Ходата́й Бо́гу и челове́ком был еси́, Христе́ Бо́же: Тобо́ю бо, Влады́ко, к Светонача́льнику, Отцу́ Твоему́, от но́щи неведе́ния приведе́ние има́мы.

Святы́й благове́рный кня́же-му́чениче Димит́рие, моли́ Бо́га о нас.

Му́чениче Димит́рие, я́ко звезда́ пресве́тлая, в Росси́стей земли́ возсия́л еси́, Це́рковь Христо́ву све́том Богоразу́мия озари́в, тьму же от нея́ отгна́в неведе́ния, просвети́л еси́ ту пресла́вных чуде́с явлéнием.

Святы́й благове́рный кня́же-му́чениче Димит́рие, моли́ Бо́га о нас.

Име́я к Бо́гу дерзнове́ние, Боже́ственное твоё торжество́, му́чениче, творя́щая и честное́ твоё страда́ние ве́рою чи́стою хва́лящая помина́й, преблаже́нне, и от бу́ри, и бед, и напа́стей спаса́й.

Слава: Ты, я́ко крин благоцвету́щ, течéнием кро́ве твоея́ показáлся еси́, блаже́нне, и, грозд мы́сленный виногра́да Христо́ва, благово́нием чуде́с мир облагоухáл еси́, ве́рою тя, му́чениче, сла́влящая.

И ныне: Но́во я́ко Младéнца нам Превéчное Сло́во родила́ еси́, двема́ воле́ма и де́йствы су́ща сугу́ба, я́ко Челове́ка кúпно же и Бо́га, Всенепоро́чная.

Песнь 6

Ирмос: В бе́здне грехо́вней валя́ясь, неизсле́дную милосе́рдия Твоего́ призыва́ю бе́здну: от тли, Бо́же, мя возведи́.

Святы́й благове́рный кня́же-му́чениче Димит́рие, моли́ Бо́га о нас.

Разже́гся за́вистию, раб убийца́ победис́я властолю́бием и к за́висти убийство́ приплете́: закла́ тя, я́ко а́гнца непоро́чна, му́чениче, отмще́ния же пра́веднаго не убежа́.

Святы́й благове́рный кня́же-му́чениче Димит́рие, моли́ Бо́га о нас.

Истинную ча́шу от твои́х кровей́ страда́льческих почерпл еси́, прехва́льне му́чениче, и сию́ всегда́ предлага́еши Це́ркви, и пита́еши твоими́ чудесы́, Димит́рие, вопию́щая Христу́: от тли, Бо́же, изба́ви нас.

Слава: Я́ко пречестна́ же́ртва, та́йней трапéзе принесён быв заколе́нием, му́чениче, в Небе́сных Оби́телех пресла́вно водворя́еши, зря сла́ву Бо́жию и приёма́ болéзней твои́х по́чести и страда́ния.

И ныне: На Тя соше́дши росá Небе́сная и оляденéвшую зéмлю, Присноде́во, Богоразу́мия вода́ми напои́вши, многопло́дну яви́.

Господи, помилуй (трижды). Слава, и ныне:

Кондак, глас 8-й

Возсия́ днесь в сла́вней па́мяти твое́й ве́рным весе́лие, я́ко бо доброрáсленный грозд, прозябл еси́ и Христу́ красén плод принёсл еси́ себе́; те́мже и по уби́ении твоём соблюде́ тело́ твоё нетле́нно, страда́льчески обагрéнное кро́вию. Благоро́дне свя́те Димит́рие, соблюда́й оте́чество твоё и град твой невреди́м, тому́ бо еси́ утвержде́ние.

ИКОС

Яко агнец непорочен, кровь твою излил еси, богомудре Димитрие, и от Благодателя всех Бога чудес дар приял еси, и вместо тленного обрел еси богатство нетленное, предстоиши бо престолу славы всех Царя. Ему же о нас, мучениче, молися, да твоими молитвами от бед свободившися, радостно возопием, глаголюще: радуйся, верных правителю. Радуйся, веры твердое забрало. Радуйся, чудо чудес преславное и пристанище тихое притекающих к тебе. Радуйся, кореню веры и молебниче о молящих ти ся. Радуйся, отечеству своему похвала и воинству нашему на враги поборник. Сохраняй град твой невредим, тому бо еси утверждение.

Песнь 7

Ирмос: Богопротивное веление беззаконующаго мучителя высок пламень вознесло есть, Христос же простре Богочестивым отроком росу духовную, Сый благословен и препрославлен.

Святыи благоверный княже-мучениче Димитрие, моли Бога о нас.

Соблазн лукаваго раба и того хитростей превыше, яко победитель изряден, мучениче, быв, прославился еси, зовый: Боже, благословен еси.

Святыи благоверный княже-мучениче Димитрие, моли Бога о нас.

Лучами, яко звезда, Соборную Церковь чудесы просветил еси, верою же притекающим к раце мощей твоих исцеление неоскудно подаеши, преблаженне, и зовущим: Боже, благословен еси.

Слава: Аки агнец непорочен и кадило благоприятно, Агнцу истинному и Пастырю, мучениче, принеслся еси в приношение всебогато и приятно всеожжение, Ему же поем: благословен Бог отец наших.

И ныне: Невещественнаго Света вселение Твое чрево бысть, светлостью Божественнаго разума безбожие отгнавшаго, Пречистая Богоневесто Отроковице. Ему же поем, взывающе: благословен Бог отец наших.

Песнь 8

Ирмос: Пещь иногда огненная в Вавилоне действия разделяше, Божиим велением халдеи опаляющая, верныя же орошающая, поющия: благословите, вся дела Господня, Господа.

Святыи благоверный княже-мучениче Димитрие, моли Бога о нас.

Вшед, мучениче, в небснаго круга течения, на добродетельный воздух, страданиями препоясан, Крест за скипетр в десную руку имея, царствовать Христу сподобился еси, Димитрие царевиче. Моли спастися нам, поющим: благословите, вся дела Господня, Господа.

Святыи благоверный княже-мучениче Димитрие, моли Бога о нас.

Украшен разумом, красному Владыце предстоиши, светел присно, яко победоносец Богоприятен, укроти молитвами твоими варварская нахождения и низложи мучащее нас искушение, согнетающее злом во глубину погибели, страстотерпче Димитрие, поющих: благословите, вся дела Господня, Господа.

Слава: Пречестная твоя память, освящающи мир, приспе, всехвалне страстотерпче, в нюже молимся получитьи тобою заступление, Димитрие, поющим славу благаго угодника: благословите, вся дела Господня, Господа.

И ныне: Священных пророк честный лик Тя прописует, кивот и несекомую гору, жезл и дверь, еюже, яко весть, пройде Вышний и паки затворену остави Тя Деву.

Песнь 9

Ирмос: Безначальна Родителя Сын, Бог и Господь, воплощая от Девы, нам явися, омраченная просветити, собрати расточенная. Тем Всепетую Богородицу величаем.

Святый благоверный княже-мучениче Димитрие, моли Бога о нас.

Обрел еси от Христа возмездие, мудре мучениче, правды венец приим и радость некончаемую, и, Небеснаго селения во дворех пребывая, державу отечества твоего поминай, мучениче Димитрие.

Святый благоверный княже-мучениче Димитрие, моли Бога о нас.

Егда принесени быша честныя твоя мочи, страстотерпче Димитрие, тогда святители, обстояще одр, царь же, и князи, и вси российский народи воскликнуша купно память вечную, Христа величающе.

Слава: Мученик днесь сословие, святых и праведных души, яко победоносца ты и сликвника прияша, мучениче Димитрие, с нимиже радуяся, поеши Бога в Троице, спасающего души наша.

И ныне: Разумевше издалеча прозорливима очима, пророцы Ты яве провозвестиша, хотящую Матерь быти Вседетелю и всех Владыце. Тем Ты поем, Всепетая Богородице, и исповедуем, яко воистинну сущую Богородицу.